

思益堂集

國史文苑傳

周壽昌字應甫湖南長沙人道光二十五年進士改庶吉士散館授職編修二十九年充順天鄉試同考官咸豐二年

大考二等擢侍講轉侍讀充

日講起居注官時粵寇犯湖南督師賽尙阿逗留不戰壽昌疏劾之并條陳剿賊事宜八則有云

皇上不惜千萬帑藏拯民水火而諸臣忍心老師糜餉坐失事機等語一時服其敢言迨賊踞金陵分股北犯壽昌連上封事

召對稱旨

命在巡防處行走兼辦京畿團防賊氛愈近門禁愈嚴有鄉愚十七人入城爲防卒偵獲當事擬以賊謀論壽昌廉

得實趣令釋之或恐忤長官意壽昌曰我豈以十七人命
阿附權貴哉卒釋之然終以論列切直爲時所忌大學士
曾國藩治師湖北擬奏請襄贊軍務鄉人有尼之者遂止
其事同治五年

大考二等遷庶子充

實錄館纂修官擢侍講學士轉侍讀學士

穆宗謁陵壽昌扈從

召見

行在回鑾後擢詹事署戶部左侍郎精覈強記曹司不敢
欺玩又以

穆宗親政下宜就逸疏請

躬行典禮朝論違之光緒二年遷內閣學士兼禮部侍郎
銜四年以足疾予告六年

皇太后違和兩江總督劉坤一以知醫薦終以疾辭不出
日以著述爲事尤嗜班書手自丹黃書眉行間塗染殆備
每寫一冊改竄無餘紙再寫復然手不離案脅不貼席寒
暑寢饋於其中易葉十有七次成漢書注校補五十卷後
漢書注補正八卷三國志注證遺四卷思益堂文集三卷
詩集六卷詞一卷日札十卷卒年七十一

敘

周自葺先生既沒之明年詰嗣芋生大令以毀卒其孫椿
圃遭兩世大喪削匄經營不皇暇息先謙慮先生撰著日
就湮失訪諸其家得詩文詞日札共如千卷亟與翟子玳
學士謀共捐貲刻之既成謹爲序曰先生當咸豐初以文
學侍從受

上知

特命巡防處行走兼辦京畿團防事宜將不日躋顯要先
生感激奮厲彈劾無所避忌權貴側目由是岌岌不安其
位矣會以憂歸里曾文正再出督師引與共事而胡文忠
與先生有夙嫌扼之不得合併晚歲還

朝久乃進秩同光之交兩守侍郎而先生遽以疾休終其
身進退顯晦之際若是其艱也然先生自罷官後寓居京

師闢小軒日坐其中以丹黃自娛寒暑靡輟又幾十年所
爲四史補注及日札諸書皆成於其時似天之位置先生
有夙定者余以歎先生不早自知其無與於功名不得壹
意於學問之途以大昌其著述爲可悲也然使先生老而
康強爵位益高當

國家承平旣未必別有表見而併此十年心力亦銷磨於
仕宦不暇專致之學問其孰爲得失識者宜有以辨之蓋
先生在時余嘗持此論以慰先生而迄今每思之未嘗不
爲先生幸也先生於歷代詩家靡不抉精洞奧故其爲詩
奄有眾妙要以義山劔南爲歸晚遭困蹇轉造平淡蓋所
得益深矣日札博綜兼搜尤詳掌故其文詞皆清絕可喜
而於駢體文義法尤精嘗曰吾師胡稚威之博而不取其
僻愛洪稚存之雋而不學其纖自命如此曾文正亟推其

能四十以前積橐盈寸先生南歸時家人在都鬻書自給
誤售之存裁卅餘篇今又僅見其半余旣刊之十家駢文
中矣文字之厄如此豈亦有數存也悲夫四史補注先生
自刊於京師今已別行此外奏疏應奉文字若干卷尺牘
若干卷攷訂金石題跋書畫之文哀集未刊者尙數十卷
待椿圃它日成之云光緒十四年歲次戊子春二月長沙
門人王先謙頓首謹撰

思益堂詩鈔卷一

長沙 周壽昌 自恭

將進酒。

西上太行山北渡桑乾河驅車無輪兮造舟無柯但見鴻
鵠不得度之峻巘蛟龍不能測之狂波樹護可以忘憂茹
芝可以卻老高山洪河轉陵谷人非金石安自保亦不願
車前八駟亦不願門中五侯亦不願豢我以護世伊蒲之
美饌飾我以鵝鶻翡翠之珍裘但願積醇如淮麴如阜黃
金作卮玉作斗主人中央客左右滅燭留髡起爲壽一觴
三萬六千秋生世不老復不愁蓬萊有藥且勿食君不見
函關老子白髮方盈頭

白沙洲漁家竹枝詞。

洲前雨過日微曛洲面霞飛亂水紋明日南風宜下網半

天看起鯉魚雲

白沙洲側落烏篷。丁字灣前理釣筒。朝去洲南暮洲北。一江日照兩江紅。

郎網銀鱗鱸作羹。妾攜雙鯽帶葵烹。前途聽說風波惡。祇傍洲邊十里行。

中秋無雨卜魚饒。夜賽鄱官鬧管簫。三月三兼九月九。兩番風信驗魚苗。

題花藥夫人像。

容華絕代寫嬋娟。紫殿陳詞泣杜鵑。回首錦城宮裏月。夜深垂淚禮張仙。

黃牛峽。

朝暮望黃牛。灘聲撼石流。人人說天險。日日過行舟。
猿聲噉斷腸。客淚已沾裳。如何峽中月。送客過瞿唐。

書廣南韋氏家傳後。

廣南土司家姓韋世居蠻徼張蝥旂自言淮陰將家裔潛
身易姓無人知當年鐘室邁奇難三族誅夷客星散何人
蒿誼干雲霄巧匿孤兒挾之竄初時國士誰公求爲公走
乞蕭鄒侯中原尺寸漢家土甘作襁負投荒陬蠻夷大長
閒代傑閔傷忠義全遺孽特申季布諾千金遂綿趙武宗
一葉伍員後轉爲王孫以韋易韓眞面存張祿不妨姓字
改白勝乃蒙卵翼恩將兵多多承祖學代從海壖擅勳略
鄒侯當日遺佗書勒鼎煌然非贗作卻嗤呂雉謀眞疏駢
誅未到天一隅他年產祿北軍變何人更惜非種鋤

紅拂墓。

踏足人閒二十春衛公祠畔話根塵英雄未必如君少閨
閣誰逢相士眞海外功名輸此局鏡中鬚髮笑何人墓門

我下平原拜親熱名香薦白蘋

宿鄉閒廣佛寺

小築香龕傍野坵年時蹤跡感凋零寺同退院僧何往地
少名山佛不靈日晚歸鴉巢破鉢夜深饑鼠嚼殘經我來
猶有閒情遣半畝方塘繞室青

擬西湖小櫂歌

南湖有鴛鴦雙依藕花眠藕斷儂見絲花開歡見蓮
暮宿金沙港朝去湖心亭楊柳亭前花化爲港中萍
郎行蘇小墓妾上岳王宮郎心是兒女妾意猶英雄

謁岳忠武墓

天意成南渡英雄此恨長臨江悲道濟遇主卽汾陽宰樹
森秋月靈旗卷暮霜湖山有奇氣遺墨遍祠堂

謁于忠肅公墓

已將隻手挽乾坤。蓋代功成絕代冤。神駿誰令返西極。外
馳重見鬥南門。奉馮自出羣臣議。賊隱全忘攝國恩。碧血
一抔却岳墓滄桑如夢話忠魂。

再賦。

懷感徽欽事。忍論幾間北狩返。南轅朔方不假汾陽節。獨
道終悲。望帝魂。豈是夷吾仇。里克翻因叔武恨。元咍絕憐
轉地旋天業。止替他人辦奪門。

誠意書院謁劉文成公像。

峰回谿抱擁奇勝。此地卧龍曾幾秋。競憶看雲向湖水。我
來殘日滿山樓。留侯未許從黃石。孫叔翻教累寢邱。尚有
百年遺笏獻魏墓。高節壯風猷。

秋意

秋意動林薄。寒霜感客居。江湖淹歲月。蹤跡狎樵漁。王績

日燭酒虞卿窮著書故山有猿鶴爲我賦歸與

偶憶

堆盤玉糝調羹細徑尺銀刀切膾纒偶憶嚴陵灘上泊沿
江三月賣鱗魚

過瑤華道人飲喜晤曹識山

城南昨日尋支公曹生上坐氣如虹舊是唐衢泣牛虎頗
嗤廣武無英雄興酣斗石笑齊贅

君爲張氏贅壻卽寓其家

才近離騷

多楚風時事紛綸定須爾莫輕長劍揮崆峒

風雨阻舟感寄瞿石雲

元鈞

囊衣襍被且須還空買扁舟熾曉關逆浪捲沙黃泊岸橫
風吹雨白沈山不堪身世仍無著對此江湖有幾閒頗憶
齋頭瞿伯子此時爲我定愁顏

幽意

幽意忽不愜荒林遲夕暉生涯勞馬磨身世感牛衣秋老
詩情健愁深酒力微閒雲漫延佇總望北山飛

聽橋園秋居

雲林拓秋圃結構稱山家遠水潛通澗孤藤老著花園官
勞餽菜鄰叟約分瓜野趣愜幽賞行辭長者車
亦有匡時策猶慚入世才故人幾鷓鴣生事尚蒿萊瓠子
傳秋漲昆池動劫灰園居且蕭瑟聞此一徘徊

秋夜獨坐。

橫胸五嶽聳嵯峨自剔殘燈倚醉歌階下寒蛩樓上雁十
年消受此聲多。

雜詠三首。

醉尉橋頭叱咤休故將軍已快前讐如何對簿當廷尉請
劍難償獄吏羞

白雲遠上湧黃河田舍奴將妄語訶妙妓解歌伶解唱賞
音翻愧汝曹多

一軍盡甲勢難回吾戴吾頭入幕來太尉一言晞再拜汾
陽諸子不奴才

楊白花

楊白花花飛落復起不惜逐塵飛祇恐沾泥滓江南波浪
高於天隨風渡江年復年春絲無因綰離別便化浮萍終
不圓

春閨曲

昨宵夢見歡夢裏兩含酸醒來卻無語獨自淚闌干
聞君在遼西客中何處住妾恐夢魂迷尋君不知處

前溪詞

故人門巷綠楊津無數東風撲面新莫放東風過橋去前

溪已是十分春。

涉園成趣綴以長句。

湖外分流入暮江。樹中尋路接危杠。風吹萍破魚窺檻。日送花移雀啞窗。村酒似攬塵味濁。佛書翻使道心降。愚誰一解雞蟲縛。隔寺鐘聲夜夜撞。

菜花

小圃殘陽一徑斜。年時種菜足生涯。春翻別樣開偏久。香到難名豔轉加。市地布金無二色。斷根炊玉遍千家。饒他日濟蒼生用。閒殺人閒富貴花。

昭君曲。

咫尺長門接玉墀。深宮歌笑聽能知。君王肯重傾城選。何必圖形託畫師。

初隨胡月出龍城。威策頻催上馬行。止有琵琶餘舊調。低

詞時作漢宮聲

擬唐人宮怨。

自入深宮裏。何曾近玉牀。可知天上月。照妾照君王。
永巷瀟瀟雨。長門鎖未開。千金不敢愛。誰是長卿才。
姊妹憐同伴。新來未及秋。誰知昨宵寵。恩拜外家侯。
辭輦言何婉。當熊代有賢。祇餘紈扇詠。一讀一淒然。

買劍。

此劍自蕃致。購來猶古裝。新磨未解舞。壯志若爲償。一鏢
撐奇骨。千金鑄俠腸。不平誰試汝。莫便化龍翔。

風雪閉門獨坐自慰。

風雪且高臥。蓬門樂自知。溼煙低出戶。枯葉凍黏枝。貪讀
餐常誤。憎寒起輒遲。樵蘇從不爨。何敢薄肥癡。

李烈婦。

晚步城南門荒墳聳如阜墳前殘碑字可數大書特書李

烈婦

解一

婦年十八餘婦顏如羅敷夫貧兒幼生計無幾

使君家投爲府中趨

解二

挈眷從使君萬里雲南行使君見

婦心爲驚苦欲割臂相要盟行舟半月泊長沙城

解三

婦爲

夫言主大不良調妾妾拒之但恐一日二日白者繙與爲

辱生死猶飴夫聞言乃頓首向主辭

解四

辭主主不可逃主

計尙頗攜婦與兒奔岸左行李在舟須往荷屬婦與兒此

閒待我

解五

婦攜兒泣路隅有狡惡饒姓奴窺之旣稔與惡

黨圖謂如此粲者可奇貨居

解六

惡謂婦汝夫係逃奴汝主

鳴官宰汝隨吾輩往爲解婦審其妄了不駭惡黨復爲謀

必誑其夫物婦乃可給

解七

往遇婦夫要遮不開詭云婦迷

途汝解佩物吾爲汝招之來其夫解佩去婦見夫佩無疑

猜惡黨打棹迎謂汝夫待汝江之隈

解八

婦孱兒弱水深恨

關行至中流羣辭汚詭婦聲愈悲羣聲愈惡婦曰死耳肯

從奴輩活九婦溺死兒從死其夫痛妻兼痛子輾轉相從

赴波死一時江水上三命畢於此十里長白官官聞鬱陶

四凶狗彘肉惡黨乃足污吾刀但恐剖心祭墓嫌腥臊爲

臚始末而旌婦於朝十一忠墳之側墳在蔡忠名山之

址地爲舊城南有墓可封碑可紀興國州婦舊里婦氏張

夫姓李夫青照子雙喜其時嘉慶戊午年二十九日月建

子十二

呈鄧湘皋先生 顯鶴

從師便熟公名久及讀公詩愛不忘聽語何期識殿蔑於

人竟得見歐陽舊援孔李通家誼許列崔張弟子行鷺足

自欣邀一顧也隨騏驥學騰驥

南國風騷半棄餘寒灰全仗暖風嘘篋中耆舊傳賢集海

丙公卿問字書楚寶縞緣增舊輯江門集爲表忠摠承先
啓後千秋抱豈但文章世不如

入座春同化雨霑深知孝友一門兼耦耕得句呈兄樂與公

兄雲渠先生有耦耕圖分體裁文課子嚴故友歡留時翦韭舊書屢

校手題籤鴻飛一笑寥天闊肯與儒酸競米鹽

山斗聲名重一時冲襟厚抱更誰知循良最感推王渙爲公

先大夫立小傳以後漢循吏王渙相擬見沅湘耆舊傳標格頻勞說項斯勸習帖經

期上第徵搜先集人造詩底須十倍誇聲價得到龍門已

自奇

湘江夜泊

小泛湘江棹春風蕩水柔浪痕濃似柳雲意淡於鷗岸轉
開重峽巖欹鎖急流收帆正新月鄰笛起漁謳

題吳檣台淮詩集

曹劉沈宋承流遠一集能探星宿源如子足當天
下任此才何有古人存純鉤三尺血痕涿濁酒
一杯燈影昏快絕延陵大詩伯螿弧十幅渡湘
沅

君行舟旗上嘗大書詩伯吳三字

畫菜根圖扇面示玉兒

年來自笑灌園忙點筆黃筌亦擅場兒輩要知
生意滿家風有味菜根香

秋感

樹頭風急葉聲乾秋色蕭疏未忍看豔到芙蓉
清到菊苦心一樣鬥霜寒

懷羅竹青鈞秀才

羅橫十載論交密近日伶俜極可歎一自關山
悲遠道全家風雪抱奇寒阮修歲壯婚期誤毛
義親衰祿養難客路誰爲孫北海逢人莫便
慙心肝

擬新樂府四首。

闖者怒

桓桓漢將軍闖奴名子都師行策馬身前驅奔走官吏同
役夫縣官者誰強項令請緩供張哀萬姓將軍愧爾姑爾
從豪奴豈識將軍命百端苛令令終違赤舌搆陷成危機
糧缺軍稽令則罪上刑竟觸將軍威爾毋懼慎勿
櫻。闖。者。怒。

船家惡

江頭軍士日捉船捉船不渡爭索錢得錢更捉他船替十
船九用軍旗編一船數遇軍行苦典盡衣裳贖篙櫓今朝
又被眾軍驅哀乞不從心痛楚恨深狡計生中流征裝偷
取藏船頭夜半呼儔逐軍去軍眾起敵無戈矛抽刀迫軍
軍益懼十五五遭縛住褫衣擲向野山坡打鼓開帆遠

天去明日行人見爭愕解纜縱使歸軍幕從今殺賊戒前
行賊人恐似船家惡

殺賊功

游子遠方歸談笑誇從戎貂冠佩錦帶寶劍懸瑀弓今日
羽林郎昨日賣菜備躍馬大道上煜煜何熊熊戰不必箭
與弩捷不必鎬與鋒纍纍人頭馬前挂將軍已上殺賊功
殺賊功何酷死後骷髏被賊名青磷夜聚冤魂哭

從軍樂

征人苦征人亦何苦休論百戰建功名試與千場醉歌舞
高者山深者林白者玉黃者金莫報賊人急且慰將軍心
將軍福爾爾不知按兵不復聞師期營中夜夜聞刁斗城
頭日日眠旌旗材官健卒煩征索吏竭脂膏奉囊橐寄語
青閨魂夢安征人且唱從軍樂

擔水備謝大能誦滕王閣序詩以獎之。

子安詞賦夙心傾誦自備奴聽倍驚疑是摩訶辨江水儼
同趙鬼讀西京但能識字防憂患爲爾論文感性情作計
代將僮約毀儒冠轉恐誤平生

澆酒。

澆酒不成醉倚歌心自豪秋來幾風雨海上有波濤夜永
蛩聲亂天空雁影高憑闌拂長劍從爾斫蓬蒿

落第後宋于庭先生

翔鳳

招飲歸賦謝

卜璞三獻三別足懼牽母愁不敢哭先生拂拭屢招尋泣
向知心剖衷曲先生搖首笑且吁不圖子乃同豎儒丈夫
志當存遠大區區科第何有無秋風耗耗亦常事必以此
例非吾徒失意乃至憤且懣得之豈遂自足乎吁嗟乎子
來前吾爲子陳子所患者終饑貧旣聘大府列上賓豐資

隆貺厚供養非比風雪寒無鄰君不見古來賢達士挾書
行歌還負薪又不見寺鐘飯後聲始發斷齋畫粥當蕭晨
吾子痲心憂母老娛親元貴致身早夙聞君母教極賢未
必望于志溫飽母年況未盈六十愛日方長供栗棗南陔
絜養躬勵學何必急走長安道子於樸學頗精邃艱苦歷
盡得真味科名不關賢不賢惟子能賢責尤備天生子是
非常才細繹吾語心當開功名際會係時命天定於人何
與哉經史著述足不朽權操在我毋徘徊若復牢愁發感
喟百罰爲子傾深杯我聞公言三頓首捧酒吸乾杯在手
崇情何減父兄訓謹歸敝廬告阿母從今讀書奉母無外
求有不如言視此酒

感秋四首。

大風從西來白日驅蛟鼉湖蒸沅澧開稭秸紛櫛羅一朝

滄巨浸千里成長河崇峰罅浮萍游魚唼田禾居人慘未
覺。瞽然赴狂波生者僅百一託命蒿與莪穴隄失先防瓠
子空高歌歌聲慄以悲中有哀鴻多

草青洞庭南草黃洞庭北荆門一隄潰半作蛟龍國闔郡
十萬人逃生各邦城嘯鳩滿湘城還來更如織餘生付飢
寒骨立而焦黑乞索苦無厭欲訶心轉惻民性非全漓天
心亦何迫流離雖滿鄉夜處無盜賊

南來亦樂土官府仁且賢俸精各不恡爲爾具粥饘粥盡
繼之粟粟盡施之錢尺籍按名給一一無頗偏奈何蚩蚩
氓赴賑聲喧闐強者不肯息弱者不得前老羸及婦稚口
呼足難遷猶有病死人道旁誰爾憐

官府諭之歸聞歸淚先垂官府諭我歸我苦官未知自從
罹水災離鄉已多時骨肉無幾存親故亡路岐卽歸復何

所故里今亦迷我田江上波我屋波中泥守死在鄉縣不
如生別離賑貸會有終謀生諒無期官言汝勿悲汝歸生
有資下有良牧宰上有賢台司

歲暮卽事八首。

鯨鯢壑穴海門東波浪橫天飲毒虹早日珠璣出洲島卽
今戈甲走艤臙朝廷未授辛毗節使者甯論魏絳功終是
神威回

聖斷已收寬詔策專攻

曲突移薪事已難決癰當日竭心肝檻車乍聽收盧植暮
局終思付謝安杼柚忍輸漿酒急蛟螭愁狎水雲寬我我
幕府新承寵肯使今時見范韓

楚蜀徵兵戍鼓催三軍新集廣州來虎賁騰躍多驍卒龍
種威儀出將才尙憶珊瑚貢南越卽看星斗燦中台高牙

天驕猶雄武，狼豕奔馳亦可哀。

初聞戰士出甘泉，羽檄狼烽耀海壖。瑄兵機空古制，廉頗精力迫衰年。英名舊借征羌騎，軍令先同下瀨船。稍喜村農知殺賊，虞幡應謝使君賢。

指麾旃幕仗元戎，未信論兵及數公。賈誼上書徒痛哭，王尊叱馭惜孤忠。轉憐節義明諸將，尚許沙場弔鬼雄。麟閣自來須戰伐，笑談容易策奇功。

澎島驚湖卷白沙，無諸臺畔急鳴笳。舊聞節度推嚴武，未信樓船縱呂嘉。唳鶴風煙愁草木，飢鷹野澤竭桑麻。水仙自泛滄波闊，復土嬰城許浪誇。

鄭嶺淒清白日寒，屢聞消息痛江干。地形險奪官奴邑，星影宵沈大將壇。妖霧極東迷海國，浮雲直北望長安。錢塘咫尺成天塹，更遣犀軍出釣灘。

天兵薄伐及嚴冬飛輓頻煩出歲供上將特尊裴相國重
臣分遣段司農宮廷經歲勞宵旰斥堠連江見燧烽賴有
忠良事征戰柴門風雪儘疏慵

卻憶

卻憶左司齋閣日焚香埽地一愴然長安游俠故相問匹
馬短衣還少年

築城詞三首。

官來喚築城築城猶可生昨夜交河役家家聞點兵
雪壓城中屋雪沒城外阜路有築城人凍死杵在手
築城苦不堅城堅守則那賊至城無人築城當如何

棄婦詞。

入門上高堂泣向妯娌辭逝波無回流墜葉難上枝回頭
拜夫婿憶言初結褵上垂大人歡房幃日融怡各各誇健

婦才性嫻德儀西頭有車馬東頭有田池一一付料理令
得相扶持朝成一匹練暮成十丈絺辛苦安風分面目忘
瘦贏寸蘆截笙吹翕翕還差差翕翕還差差聽者心變移
一朝遣妾去不得重依隨逝波無回流墜葉難上枝西頭
有車馬東頭有田池十載幸料理絺練藏在篋一一付新
人淚下如縷縻淚下亦何爲泣語新人知夫婿自賢達姁
姑自仁慈賤妾自當罪新人幸毋疑

新婦詞。

新婦小家女年容十八餘明眸媚語言舊人巧亦愚繭齒
作歡笑墮馬工妝梳豔歌擊篴妙舞翾毼毬足下五文
履身上九華襦西頭賣車馬持貨明月珠東頭賣田池往
市紫霞裾開篋出縑練盡賣供蒲檮愛寵擅夫婿聰明蔽
姁姑舊人罪日深新人恩日殊出門視舊人涕泣方路隅

因聲寄夫壻努力勤良圖棄婦不煩念君家當何如

山行雜詠

山行半里不見日古木夾道連青蒼寺樓隱隱出林杪清
磬一聲催夕陽

野禽趁客嘯叢樹水牯攜兒渡別谿炊煙明滅露山腳人
家更在西崦西

山莢子熟趁風落蕎麥花開如雪飛入林路曲不知返高
下亂峰青四圍

岳陽樓

洞庭湖水匯湘流東下濤聲撼岳州憂樂未關慚入世神
仙無分且登樓兩三峰點窗前翠八百里涵天外秋如此
煙波消一醉更隨明月泛扁舟

岳陽孔縣丞席上觀繩伎卽調其幕客潘某

翔燕騰金索盤龍蹕玉鞍不知心底恨時拂寶刀看
舞罷低含笑妝成故作嬌檀郎魂大小經得幾回銷

蕪湖道中卽目

隔溪春護好林邱隱約鶯聲出畫樓萬樹桃花鬥顏色夕
陽紅過小橋頭

金陵春暮。

鐵甕城西聳麗譙秣陵東望路迢迢蒼茫雲樹逢三月歌
舞河山遶六朝細雨溼花朱雀桁晚風低柳白門橋鄉心
未逐春波長江上孤篷夜聽潮

青谿柵。

谿水空縈九曲波朝朝瑠樹自笙歌總持不及枝頭鳥肯
爲君王喚奈何

秣陵王氣絕龍蟠從此長城列漢官莫問胭脂井中約是

兒原自少心肝

結綺臨春鬱暮煙波痕沁血慘嗷鵑不須嗚咽谿頭水卻
勝琵琶唱小憐

半谿寒雨溼飛花環珮魂歸碧水涯一樣雷塘又風月棠
梨開遍玉鉤斜

臺城懷古。

蕭梁廢苑隱城隈宮樹秋高長碧苔六代興亡同幻局一
身成敗愧雄才繙經羅什終何濟探穀沙邱較可哀同泰
寺中錢百萬更無人與贖身來

金山寺書感

青碧河山古寺樓老僧驚聽鼓鞀愁誰教龍象傷餘劫竟
有蛟鼉據上游風捲寒潮迫京口雲沈殘月黯揚州東南
自古誇天塹不見長江接海流

史閣部墓

淮徐半壁扼維揚。事去孤忠飲恨長。昌邑議迎朝水火。符離謀戰將元黃。生逢運厄天難挽。死赴江流浪亦香。漫折梅花供吟眺。枝枝寒雪繫興亡。

黃河泊雨

撼地驚濤接海東。極天狂雨打孤篷。雷崩斷岸馳紅電。波激飛沙捲黑風。犢口已非屯氏水。龍淵儻問漢時宮。河隄誰奉平當使。淮上秋高有落鴻。

廣平道中望聰山

青山久爲別前路。一開顏遠樹沈煙。合孤雲破鳥還春光。澹平野河勢抱雄關。莫笑巢由買車輪。且未閒。

思益堂詩鈔卷二

長沙 周壽昌 自菴

酬曾滌生侍講國藩大雨見懷場屋原韻卽柬郭筠

仙孝廉嵩燾時

同考教習

男兒豪氣山能摧。俯瞰塵壒同。屹筵胡爲束。縛在場屋顛。
倒頭足成笑。哈致身非早。了不作妄欲。舉手援天災。風橫
雨勁迫。倉卒濡首已徧頰。與顯坐念宣。房近衝決流。亡何
處容整。坏靄霏。豈況月八九。皇穹仁愛胡。爲哉須臾。頽雲
掃秋籜。晞髮對日心。顏開林宗折。巾偶見過縱。語不復辭。
喧。厯老軍。敲石烹苦葉。時於蚓竅騰。輕雷蕪穢雜。坐肆伸
屈意。氣崛強。羞乞哀。郭子屠龍且。膾鯉我亦摩。刃相驚猜。
南豐先生振時傑。天閭馭駘胸。宇恢履泰思。約慎敦助噉。
果時復。思甘同如爾。名業宜未艾。卽時榮盛猶。胚胎我曹

鮪竿簪策步坐令飽食豐脊膈或者生材費元幸竹冊儻
欲分將來不然瀝飲誓江水有田不歸如此杯

題張玉夫大令

聲玠

玉田春水軒雜劇九首。

傾巢那信卵能全孝烏唬聲慘杜鵑解道額天憑數語未
應腸斷蓼莪篇

吉炳

煙霞手闢絕追攀成佛生天興太頑更有宣城好才調一
時同說謝家山

謝靈運

三箭天山大合圍那堪張賞誤嘲譏吳蒙指櫓臨江日千
古成功兩白衣

薛仁貴

千金一擲價誰償竟放文章一代狂但肯聽琴先解事好
龍休笑沈諸梁

陳子昂

櫻高聲名飯顆香紫宸除詔拜眞王芙蓉城並遮須國湯

沐千秋有醉鄉

杜甫

肥羊濁酒說風流。畫頰眞教窘虎頭。誰貌將軍楊大眼。不須緩臂早封侯。党進

殘醉重扶酒國秋。山光湖影供清謳。新豐不用傳封事。自

有君王識馬周。于國寶

冬青陵樹邈山河。一別千秋此恨多。玉軫莫彈離黍調。傷

心猶有斷琴歌。汪水雲

故國湖山賸鼓鞀。畫圖自寫武林谿。最憐一樣王孫草。長

向東風綠不齊。趙子固

沐城過宋故宮。

荒涼宮殿鬱煙霞。一代興亡感暮茄。瓜裂江山歸漢祖。豆煎兄弟泣曹家。長看嶽色橫青嶂。終古河聲捲白沙。百尺廢垣千樹柳。秋來誰問故宮鴉。

襄江守風。

連日風帆滯水涯。一船聊當客中家。舊書看似重游路。薄酒飲如新熟茶。自理漁竿營晚釣。戲拋團飯引飢鴉。夜闌不惜推篷久。殘月微低北斗斜。

都門讀史雜詠。

海上樓槍黯黯收。傳聞運策竭琛繆。老猷未許成方叔。諫真傷出史鱗。徒使忠良懸

帝念。更無肥瘠繫人憂。最憐遺笏終難獻。不及文貞燕翼謀。

豕狼奔突恣江灘。列闔徒聞壁上觀。失律自應誅馬謖。亂行何獨恕揚干。本難奇請從三宥。誰遣徵辭判兩端。早識將軍死西市。爭教裹革血流丹。

列柏霜清警夜烏。行驄紫陌靜喧呼。上方斬馬彈張禹。直殿搏鷹避郅都。喜聽漢廷容直諫。已教城旦列刑書。埋輪

無事豺狼斂盡許逍遙下澤車

鎖鑰森環窟宅幽忽聞祛篋誦莊周玉弓久令嚴藏憤狗
鼠何因肆竊鉤職幣有權歸家宰耐金論罰累通侯頭須
薄譴惟行戍竟許貪狼物外游

蟲沙紛構半癡愚下邑驚煩撻伐誅誰悟觸蠻緣長吏幾
聞孤火嘯殃徒貂蟬榮寵三軍樂雞犬悲號萬骨枯遙指
耒陽城外路谿山得似舊時無

汴梁懷古。

宋家城闕粉雄基誰信猜殘肇永熙再祀不聞傳季札九
原遠計問與夷劇慚論語誇治世忍憶金麟剖誓詞木主
他年尚榛莽藝皇陵廟獨勝悲

南渡時太祖神
主半道遺棄

一舉澶淵不再籌倉皇戎馬帝城愁空教北去悲懷愍豈
有東遷比漢周割地生甘孱主辱過河死痛老臣謀卽今

禾黍徒憑弔誰向杭州問汴州

過光孝寺

虞功曹故宅

古寺陰濃佛樹香 著書有客老南荒 赤烏年代人才會 獨

遭青蠅弔仲翔

泊三水縣

三十六江江水長 江流繞郭纒孤航 潮痕落岸天光淨 海
氣侵人夜色涼 魚舍幾家迷浦溆 雁書何日達衡湘 枕椰
月黑蒲葦響 前路風波惱客腸

惶恐灘書文信國詩後

十八危灘泛客艘 大風吹浪薄天高 亂山夾岸馳奔馬 碎
石橫流截斷鼇 殉國孤忠感柴市 渡江遺恨鼓胥濤 哦詩
底事悲惶恐 顛水猶聽日夜號

九江舟中望廬山。

鄱陽沿千里九派江爭雄水勢割地半廬山據其中絕頂
仰凌嶻五老山之東其旁所拱侍約略香爐峰巖岫競羅
列矗出千芙蓉觸天陷星斗負地鞭蛟龍極目洞幽奧萬
象環玲瓏凹凸露層疊顯晦區畦封忽然縱卽逝變滅俄
重重錯出互揖讓摩盪無定蹤翻若沙激浪柔若雲連風
峰峰突攢聚一氣藏鴻濛更聞兩匹練千仞垂長空奇險
門龍象噌吰震鐘鏞心游得幻趣耳目如有逢卽景快瞻
矚雲水蟠吾胸爲謝匡廬君蠟屐他日從塵役迫感慙明
朝挂征篷

金陵絕句。

十里甃甃官道柳白門橋下綠於絲五年不到江南路又
聽瀟瀟暮雨詞

南安鄧厚甫

仁塾

太守招飲牡丹亭戲柬二絕。

亭在南安郡署後東園後人因湯臨川樂府附會而成也厚甫慮舊說不典特種花以實之

穠華含雨睡初醒紫玉歌從月下聽詞客風流逸何處行人猶問牡丹亭

金縷雲裳費剪裁名花都向鄧林開千秋莫笑爭墩誤我亦東園載酒來

拂水山莊

幾樹殘陽故國春滄桑回首劫灰新褚淵舊日原名士危素興朝自老臣末路艱難同有死清流朋黨愧斯人絳雲莫更尋遺趾欲遣西風蕩庾塵

和黎樾喬侍御

吉雲

出都留別之作卽送其南歸

淒風蕩黃埃寒煙鬱庭樹塵沙浣衣裳安得緇者素皓翩何翩躩層霄理長嘯刷羽浴江漢振翼脫鞵馭九達劇紛

翰林巒獨幽趣達人緬盛節志士警遲暮金石猶須臾青
紫遑足顧瀟湘雲水深高翔謝鷓鴣

昔我游成均銜恤君南征我行通籍歸遇君武昌城昨歲
來京師蹤跡相合并盼睐慚庸姿拂拭超凡情襟抱日荏
苒招攜見平生愛才切飢渴力古劬耨耕眞鑒得正色苦
調無常聲後起獲津逮肝膽爲吐傾千言論兵事劃若轟
雷鳴

皇仁有擇舍臣其敢爲名焚草賦歸與巖壑猶崢嶸

忼慨矜志節篤雅敦行誼說經宗鄭賈束脩範洙泗吾楚
軍其張谷各屬所守振策君則先簡足導羣騎不嫌過從
每都若心膂寄早成太常歸

唐鏡海前輩

羣賢感失類今君復

邁返譬餒奪之餌聽睹通簡畢關山阻夢寐離索亦何有

吾道重感喟

昨得故鄉書感事長太息禾稼沈秋潦婦子饜盜賊明燭
洞窮窟一隅坐幽黑脂轄煩僕夫咨巡亦臣職賑貸飲田
野豈必官司力游民服常業羣蠹或愧匿鄉校諸學子文
行勉敦飭扶導賴名賢甄治仰舊德教養酬

君恩何在通與塞

崎途樹繁棘頽習趨狂流鈍拙與世會所望非所酬薄植
竊微祿詎答

宵旰求將母日繁慮名業遑身謀退遂艱觸藩寸地叢百
憂諒哉君此行仰視浮雲浮垂竿湘水濱結宇衡峰頭爲
我留一廛荷蓀當從游

秋夜獨酌。

愁與病成約秋時一再逢鄉心馳斷雁塵想警疏鐘家遠
音書滯官閒僕婢慵醉中吾且樂歸夢得重重

小病。

懶漫宜空谷。登然忘足音。閒吟得靜趣。小病悟秋心。藥熟花香殢。茶喧午夢沈。呼童埽階石。苔蘚迹深深。

刪詩。

讀書萬卷談何易。古劍在手三摩挲。展出春雲已屢變。薤
來秋草原無多。吟安一字輒狂喜。質待千秋先自苛。碧海
蘭苕各有適。且藏百本深山阿。

閨中夜坐憶舍弟筱樓

壽祺。

沈沈鎖院歲更漏。颯颯秋風入酒卮。十載弟兄爲別苦。一
門科第獨君遲。艱難生計羈微宦。退逸心情愧盛時。五色
且防迷過眼。戰場曾聽角聲悲。

冬夜坐雪。

推枕夜無寐。閒愁墮酒卮。漏殘雞代報。裘敝雪先知。骨月

分南北艱難逼歲時買山猶有願爭遣鬢成絲

萬事。

陳雲如墨暮天寒荒磧飛沙落木乾萬事奈逢生已晚百
憂眞覺感無端虛名早悟成雞肋異味何期食馬肝但許
一塵謀飲啜此身不悔老漁竿

醉後遣書。

黃葉蕭蕭辭故林飲水讀書吾所任萬緣得悔生定力一
語未酬同負心禍福何問塞翁馬成虧漫鼓昭文琴醉中
眞趣與古會掩卷引杯時酌斟

哀塘角行。

漢水潯南流江水趨東還南東轉相匯激薄成波瀾波瀾
一何高高於九重天波瀾一何深深於九重淵猛風助威
虐驟浪都成山饑蛟舞白日弱肉恣攫吞湯湯江漢流自

古東南門舟楫羣所利都人曾於其閒迫此艱且險行愁坐
復歎行亦莫苦險坐亦莫苦艱有地曰塘角築碕隱爲藩
岸曲障狂飈水瀦無急湍繇互約十里簾泊靡驚患大艫
珂峩頭鹽丁富刀錢雖頗縱谿壑賦國民食便四百二十
艘艘艘牢繫牽外艘六百隻十九估客船中亦雜官舫舫
纜勢絡聯彌縫魚麗排首尾蛇勢蟠豈惟靡驚患窺伺絕
寇姦是時月仲冬十九夜旣昏樂者酣醉飽勞者安寢眠
鹽丁宿大艫艫中一燈爇膏肓騰狂藥呼吸迷心肝一火
倏騰灼燒篷熾檣竿祝融謔謔蜚廉扇礮礮馮夷奮淼
淼夔魘走躑躅一火千萬火俄頃燭長川競起理篙杙窺
逸駭夢魂夢魂駭復疑竄逸何由緣千船固結縛倉卒那
割分上流火勢烈炬若飛礮奔下流風逆盪船塞江路填
儔侶兄及弟夫妻兒女孫忍死覓一面狂呼聲噪喧始尙

辨噪喧須臾迷聽聞但覺聲殷隆風火交欽歎各各類羊豕
骸骸投炮燔殘齒膾餘煨枯黑含焦煙燄激偶上突躍
起同獐猿旋躍旋復墮灰盡無骨筋避火或逃水水熱翻
沸煎狼藉成羹糜匪但肢體殘更有婦新產未曾裹裳襌
母子互跳擲血月相抱焚又聞一船逃對岸將停輪回風
迫入火十口靡一存塘角徑十里自夜燒及辰浮脂繫江
波炙臭逾腥羶寘棺無可斂急況難備棺一席裹一尸裹
席數百千故鄉貽我書略陳委與原發書誦未旣淚落如
流泉我楚近廿載河伯災孔繁流亡迫婦子耕桑失園田
胡更罹茲慘聚殲於水濱仰視天蒼蒼好生非不仁陽九
遭窮厄浩劫淪沙塵駢骸萃萬族豈得無愚賢政刑云有
失咎于赤帝權蚩蚩則何辜迺爲帝怒遷湯湯江漢流哀
魂泣頑冤巫陽莫汝招誰從叫帝闔死固無可訴生者疇

安全天道卽咫尺挽回自吾人
陳風愧臣職聊用詳所宣
災書歲己酉道光廿九年

送謝定侯繼超從軍廣西。

男兒所學萬人敵買酒爲君壯此行
雙劍似龍寒出塞君
開自塞外歸一燈如豆夜談兵
彼都斷峽懷韓績異日歸裝薄
陸生淝水聲名還舊業圍碁纔了報功成

病中汪稚松用杜老賓至韻見贈次韻奉酬並柬楊

厚邨傅味琴徐易齋。

因病得閒殊不惡東坡句頻來風雨話尤難
菌丁供饌浮連

鼓藥甲烹茶養射干屢費青經蘇積痼謂厚更貽白鮓助

朝餐前日承前宵碧藕香中夢水榭從君話曲闌夢與稚

南有碧藕香中兩漿低敲蕝葉之句

花之寺看海棠本名三官廟會寶谷先生題曰花之寺

花之寺。裏海棠樹老。佛坐看。二百年。蚪舞榭。榭高閣。燕翻紅紫爛。諸天偶。因微雨。破春寂。便放東風入。酒顛滿眼。芳菲感禪悅。卻聽笙磬咽流泉。

留鬚。

正是橙黃橘綠天。搔頭真覺感華顛。儼添蒼翠成秋色。卻悔疏狂誤少年。自笑矇矓輪閃電。短視可能毛髮寫凌煙。鬚鬢六壻非殊絕。歸對山妻一蹶然。

書孫敖舟哭凌荻舟

玉垣

詩後並柬葉潤臣侍讀。

五十六字字字淚。地下虞翻應斷腸。肝膽見君詩句裏。山河觸淚酒罈旁。飢寒八口逃炎燼。荻舟死後家遭火患零落一棺懸。異鄉賴有水心風。義古遺文重訪故山藏。

喜吳樵臺孝廉入都

江湖遲爾四年久。一見澄然道氣清。獨鶴翔空孤月冷。老

巖嶂野萬山橫及身弱達關時世餘事文章感性情日者
橋邊儻相問馬周眞恐是平生

歲暮酬李舜卿孝廉

洽見懷元韻

勞勞入海役心魂短景蕭條得細論闕巷兒童喧臘鼓閉
門風雨倒金尊懽似雪銷無迹往事如沙畫有痕更欲
從君千酌酹莫喚多誤醉時言

扇香花歌。

洋玫瑰者葉類蒿艾觸以物或扇之香滿室移時
乃止再觸之復然入夏始花花似玫瑰香亦如之
故外洋產新來都下者也汪孟棠年丈以其名不
儷實易稱之曰扇香花並欲移植南中爲歌以贊
其說

綠煙蒨藹烘晴雲葳蕤破暝含續紛方春細擷葉蔥蒨不

花已鬱香氤氳槎枒含稜黛新染微趁麝囊風醜醜繁枝
搖月馥如薰靜影凝塵氣仍斂拋書畫倚匡牀眠海棠接
觸春風顛蒼騰一覺墮香海綺夢驚人還少年

孟翁生
閒語

先

生愛花如愛才接采未肯邁蒿萊嘉名合許齒牙借撚枝
一嗅心顏開以扇扇香香愈熾感知繾綣通良媒品格竟
欲奪芝蕙名字豈屑儕玫瑰人言此花如美人低頭宛轉
隨笑顰我言此花若奇士植骨深沈薄恢詭當其蕭艾爭
離披雨露原同凡草滋海天莫共江離佩佑船曾無園蝶
窺一朝噓拂振幽隱不惜奇香散塵空桂椒烈性偶一舒
蘭芷清芬旋自蘊不爲無人不肯芳直恐孤芳輕播揚菁
英內積蟠根固醞釀深涵歷歲長此時葉動香盈手他日
花開香更久靜領花香得花意大笑花前一樽酒君不見
長安花市千萬家碧映紅蘼蒸雲霞乞與江南春色滿名

鬪爭種使君花

扇香花和夢棠年丈韻。

名花莫借賞音遲。海霧江雲態總宜。翠袖娟娟同竹倚。清襟冉冉襲蘭吹。盡簾春靜煙無迹。羅扇風輕蜨早知。似共優曇參妙諦。聞根微觸澹忘時。

落半齒悽然有賦。

敲斷菜根三十載。老牙努力鬥癡頑。儼然片葉驚秋墜。權當兒時毀齒看。

秋病。

秋病侵尋懶不支。心如墜葉鬢如絲。久離骨月餘懽夢。永憶江湖入小詩。百歲堂堂羊熟脚。諸公衮衮豹留皮。藥鑪茗椀消清供。負卻黃花待酒卮。

無端。

朔飢侏飽定何因，入世無端強笑顰。
少日艱危同幸草，頻年彫悴感勞薪。
爭看作戲魚龍幻，肯信當關虎豹馴。
極望歸雲卷平壑，青山容許乞閒身。

有悟。

意氣初年蓋代雄，漸看十事九成空。
暗推歲月同遷客，久合江湖署長翁。
坐哭行歌詩卷裏，感今追往酒杯中。
劉伶荷鍤真非達，何處青山不寓公。

春日郊行

長安車馬盛容我，得閒行藉草。
尋農話銜杯，喚僕傾四山。
青欲滴，萬樹綠無名，塵網何時脫。
湖湘約耦耕。

夜讀昌黎詩感書其後。

戚戚嗟嗟百可悲，生辰誰令宿南箕。
訓狐莫射鳴鷗惡，剛取盧仝月蝕詩。

讀南華偶書。

是醒是夢總蘧蘧，卻悟尻輪見性初。抑又何求翁失馬，安知我樂子非魚。史騷而外此奇筆，老列之閒一化書。當日筌蹶渾不著，後來竊注竟何如。

戲題陳老蓮仙奕圖。

似惜饒人一著強，倚枰斂手費商量。狂奴心比神仙淡，勝負年來已漸忘。

書感示舜卿。

戟櫜前卻笑，何因柄鑿方。園亦未真客，且歸乎請從。子臣之壯也，不如人千重。弱水餘飄飲，萬劫恆沙積。點塵愁割劍，鈍憑處處更容人。海老投綸。

雨後。

車急天街走，怒雷風前細。雨蕩輕埃霏，微黃蝶迷叢草窳。

窳青蟲墜古槐故國雲山尋斷夢塵途榛棘坐疏才寶刀
懸壁曾無缺醉後狂歌定百回

對酒。

浩渺輕塵積太行崎嶇世路走羊腸人生對酒幾朝夕我
輩讀書空短長世間有藏身足邱壑可無奇策靖欃槍報刀

國心猶壯何處尊前是故鄉

武昌謠

有序。

咸豐壬子十二月初四日賊陷武昌湖南營弁史
某自都齋摺回楚陷賊中一月脫歸今春來京師
述賊破城及我軍與賊中情事令人憤激哀慘感
而賦此

冬寒夜雨汁賊圍已兼旬忽傳須臾聞萬賊攻城圍向曉

城大開周衛以紛紜官文及土庶眠起無衣裙待死就湯
鑊束縛同雞豚賊酋擁口衙賊徒據里門刃人血流渠色
赤腥風噴泊聞敢兵言知悉賊所因臘月夜初四黎黑天
未晨有賊窺城隅不足四十人兵彷彿覺所苦夜色昏
眾奮思登陴雨淫烽不然向官屢索燭不給翻怒噴謂是
特求犒誑辭惑三軍兵聞自懾退賊噪旋登垣一賊開戶
納眾賊驅羣援不勞一矢加已見高墉淪血月飽狼虎財
粟堆荆榛重賞靡一應夙況無纖恩賊遠吝一燭重若寶
與珍賊來棄全帑輕若沙與塵貪庸坐爾曹上負吾
皇仁爾命亦何惜奈此蚩蚩冤

初四賊陷城屠割兼接牢三日皮骨空僞令傳封刀初七
令甫傳殘魂驚復喜四十餘萬人存不兩萬耳城中七大
湖湖水闊且深賊來懼汚掠各各懷死心爭前向湖投燧

髮洪爐中骸骨互撐拄湖塞無可容邑之田將軍仕粵屢
殺賊坐是爲賊讐家甌慘尤極一門二百口蹈刃無孺色
又有陳氏母其子爲縣官誓死不辱賊身率闔戶焚賊所
不殺者耄稚或廢疾愚氓計求活刺目折脛膝殘膚且幸
生生不過百一死則葬狐犬生復死飢寒天陰雨溼時啾
啾聲不聞賊威所劫制鬼懼聲亦吞況彼弱肉輩哀哉夫
何言

書元遺山詩集後。

江山一炬痛幽蘭留得殘生嘔肺肝唐宋以還茲老出興
亡之際諒心難漢書未許中郎纂園記爭將務觀彈獨有
置身滄海力千秋詩派讓登壇

二月二十日卽事。

朝朝作計窘瓶罍典卻春衫供客醅萬感亡何唯日飲一

錢早信不天來

元遺山詩錢不天來

幣鈔與廢權農部折閱紛繁

蠶市魁

同日錢肆歇業者百數十家

極目東南財賦地豕狼奔突可勝

哀

秦平陽斤歌爲王荅洲吏部

憲成

同年作。

開皇二年夏五月長安掘得秦時斤金塗鐵質銘兩則九

十八字精雕鐫

顏氏家訓所錄全文字數如北但損一字少平陽二字耳被勅寫讀一

字損校者內史

內史令李德林

同黃門丞相狀證隗林誤權文丞相狀瑄

詔隗林王瑄林與狀字近而訛此足正史傳之誤

名字爲史刊烏焉斤之肇顯悉

顏訓呂薛得未窮根源干三百年到今日王郎嗜古思通

神剝剔苔蘚覈隸篆歟月隱霧形嫵爛在昔天醉賜鶉首

呂政詐力驅乾坤前軼後斯勅法令威劫黔首相述遵區

區一斤示輕重古聖同律茲非倫究竟託迹在軌度未逐

鐘鐻咸陽焚文奇字古蘊光怪精氣不肯埋埃塵君家異

日續書苑漢壺晉尺將同珍何況此斤制作關一代便擬
食貨一志按亡秦

書事。

吳豫傳烽趣轉兵南來狐兔敢縱橫久聞河上屯高克又
報殺函起孟明頭額頻年極焦爛心肝幾輩竭忠貞獨令
宵旰懸

宸念肉食無謀愧此生

五月十六日

養心殿早朝恭紀

是日引見講官

珠旭瞳矐做紫闈

乾清西繞

月華門千官列仗星辰肅

三殿宣詞雨露溫丹檄捷傳河北郡黃糧

恩賜國東藩。即時董賈陳封事。獨切心肝奉。

至尊

是日同鄉黃黼卿光少與某各條陳時事

侍從頭銜廁

講幃起居長願奉

宸暉綠牌名引雙行綴

引見十四員分兩班

赤芾儀分五色輝

講官儀制

觀三品花露溼侵衣袂重鑪煙濃約樹陰肥宮鴉亦解林
深樂心戀。颯未忍飛。

過潤臣侍讀飲感賦。

從子酣嬉發醉謳。天容愁寄地理憂。時艱尊酒成奇聚。家
遠雲山祇夢游。擾擾雞蟲傷薄海。茫茫狐貉笑同邱。躬耕
自是男兒事。蹴踏緇塵幾便休。

南望荆榛并尉羅。羣生垂盡欲如何。軍前將帥回翔樂亂

日音書涕淚多

得揚州人士書

填海已無精衛石。回光爭得魯陽

艾倚閭同有春暉戀誰遣簪纓換薜蘿

書淵明集序後

潘令徒聞拜路塵淵明白惜折腰身閒居賦較閒情賦可
漫微取議古人

自題畫蘭四絕

花放空山墨滿池是花是墨總淋漓孤芳莫覓同心賞打
破烏盆插野茨

嫋嫋繁花媚碧香蓬蓬野竹壓山椒幽香一朵無人問不
似春柴得火燒

開向荒江並古巖憑他雀啣與蜂銜東風輸與天桃豔便
不當門也合芟

九畹含香香轉幽寫花人似替花愁老夫生自沅湘上歲
歲看花直到秋

五雜組七首

五雜組萬花叢往復還曲港風不得已咄書空

五雜組威鳳毛往復還運枯棹不得已賣寶刀

五雜組繡芙蓉往復還旋戶樞不得已絕交書

五雜組蓬萊雲往復還碧螺紋不得已交老軍

五雜組暮天霞往復還塵途車不得已夢歸家

五雜組畫射侯往復還長江舟不得已醉澆愁

五雜組錦氍毹往復還轉轆轤不得已鼓隴胡

冬夜感寄孫瑛舟兵部。

煙淨西山接遠林天低北斗壓城陰前宵微雪寒卮酒動
地狂風激野碁骨月各縈千里夢死生同繫百年心寂寥
身世嗟何補仰屋徒煩擁鼻吟

日日天街策蹇羸幾人燕市動悲歌思歸每憶無官樂避

債翻愁有客過孤雁鳴笳自蕭瑟一龍看劍屢摩挲當年
意氣空湖海底事簪纓易薜蘿

百歲蒼茫倚夕暉縮塵頻拂老萊衣海鷗近客心情淡水
母隨人去住違世外魚龍看轉幻山中燕雀忍長饑羨他
張翰秋風約想著蓴鱸便得歸

侍直夜宿大樹庵

古樹前朝寺山廚獨客餐月明雞唱早霜重鷓鴣棲單茗椀
從僧淪書燈就佛看門前馳道近終夜肅衣冠

夜坐感懷戲作俳體自遣。

睡起烹茶細細嘗卷簾邀月坐虛廊日歸胡不歸無計問
夜何其夜未央夢裏雲山游屢誤愁中書卷閱旋忘晨餐
夕膳非除願獨使羈窮滯

帝鄉

社稷壇侍班口占。

參天古木綠回繁，壇道無塵似掌平。午闕鐘催知

駕出萬鴉飛過不聞聲。

駕出午門司鐘者連叩在壇執事人員聞鐘聲則各就位迎駕

書感四首。

聖主求衣暮復朝，歲除罷宴又元宵。袞絲未識何人補，日賦閒情鬥管簫。

酒綠燈紅徹綺筵，莫傳烽火照甘泉。座中忍奏江南曲，知否金陵陷四年。

貪譜精搜水陸餐，金錢浪博美人歡。羽書連日聞催餉，十萬南軍鐵甲寒。

干戈擾擾亂誰戡，絃管聲疑戰鼓酬。一聽金饒歌破陣，有人垂淚想東南。

堂堂。

百年歲月感堂堂。撫髀無成黯自傷。誓不因人炊任滅。無多酌我醒猶狂。當心日出空垂照。卷舌星高自有光。未合人情驗秦越。祇應占易得歸藏。

隨筆。

過江名士多於鯽。數典詩人穴似狐。想得咸陽焚未烈。箸書費卻幾工夫。

哭江岷樵中丞

忠源。

上將星驚貫傳來。死事真殺身原遂。志滅賊更何人。凶鑿心傷處。援孤齒齧。巡遙憐淝水上。號哭遍疲民。

雷李殲牙孽

逆匪雷再浩李沅發前後構逆於新甯廣湘西君兩次討平之此君領兵殺賊之始

離淨燧煙遂令身百戰。何止位三遷。商楚危能濟。西江險竟全。不圖猿鶴化。流恨此長川。

從戰多鄉里能兵有弟兄

君所率楚勇其弟忠誠忠潛忠濟俱在行關

生無三

接分死荷一家榮

君歿後弟忠濟賞知府忠溶賞知州

詔加總督銜賜卹

半壁人心

繫頻年賊膽驚懸知結纓日猶勝疾捐生

束髮論兵事英雄託使君

壬辰相識於嶽麓書院時猛匪構逆與君夜臥談練勇事徹夜

不倦一從中外別竟爾死生分有

詔悲楊業成功惜允文書堂溯靈爽淒斷嶽山雲

哭謝定侯

繼起。

羽書警急報江濱記送君行又哭君百戰功名剛越歲一

官起滅似浮雲

君以白衣從戎積功至知府被譴旋起謫

賊遇害甚烈

苦思曹沫成奇計難學汾陽化賊軍知爾精靈尙

騰躍九閫披髮埽妖氛

書平原君傳後。

諸君碌碌意何求相士空誇第一流畢竟成功誰筮者可

憐一笑美人頭

拋書。

神自問形形問影風還憐目目憐心拋書一笑得懸解啣啣徒煩擁鼻吟

再哭江忠烈。

今代雄才江萬里危時開府古廬州那堪

聖主旌功日已是孤臣致命秋截指鬚雲心尙壯銜鬚溫序恨難酬東南誰更干鈞繫不獨思君涕泗流

卽席有懷亡友凌荻洲水部。

斫地悲歌勸楚狂一聲鄰笛感山陽中山黃酒思千日小帕留題付六娘啼恨忍聞鵝叫血成仙徒贖鼠拖腸芙蓉萬樹重城隔莫倚黃墟作醉鄉

秋感呈宋雪颿晉光祿。

亭皋落葉又西風身世蕭條逐斷蓬夢入青山秋易老愁

生白髮酒無功時艱芻粟勞奔馬家遠音書盼旅鴻最是
聞聲百惆悵曳枝蟬與繞階蛩

豕突狼奔久未戢逍遙河上駐征驂人言主父八爲律客
笑嵇生七不堪那有白頭容盜賊可憐赤血遍東南軍儲
日日煩

宵旰肉食無謀我尚慚

十載銀袍逐隊時燕臺披豁見心期下堂竟許知醜蔑破
格頰勞說項斯古調難諧音獨賞醒狂猶恕醉何辭仲翔
懷感知無恨一劍沈吟最繫思

霞展丹青鶴在林孤標肯逐世浮沈

若詩有不共世浮沈
語特邀宣廟賞拔

尚書修史宵然燭光祿哦詩筆鏤金奏議

九重天動色孤寒八百士傾心知君出繫蒼生重便合商

巖起傅霖

圖明園早朝道中感述。

漏催金鑰夜方中。雷轉車聲走半空。一路溼侵豌豆雨。四更涼沁棗花風。殿前冠佩明初日。天上樓臺落彩虹。珠樹可容凡鳥集。五雲深處有飛鴻。

都中歲暮雜感。

十載長安住。崢嶸歲暮天。霜寒凝作雪。塵輭蕩成煙。野曠西山迴。檐低北斗懸。酒徒多慷慨。從古說幽燕。敢託金門隱。高軒少過從。世情蟬語雪。宦況鷓鴣迎。風東武吟猶壯。邯鄲步未工。幾多天下事。生計愧雕蟲。

藩邸閒平貴。勳門馬鄧親。熱真堪炙手。交敢一身拈。瑟知非好藏珠。特自珍。屢繙東漢史。士氣最嶙峋。

每說園林勝。鄰居有嘯歌。麥黍堆連展。

兩字去聲。連展以新多稍礙之。見放

翁集查餅卷烏他野麋肥於鹿。孱驢健似羸。何須問湘水。此

地富煙蘿

問絹慚遺訓居貧仕更貧板輿籌飲噉遠道阻風塵淚盡
征衣綫腸回寸草春尋常饌魚笋承養味偏眞

子季艱行役程期信屢訛雲飛徒悵望林臥總蹉跎薄祿
情應諒連函字未磨可知心膽碎寇警逼湘波

自得長沙信城圍幸早開屢逢鄉使至強半賊中來鯁壑
愁東注狼烽極北回銷兵行請急一慰倚闔哀

余時奉
旨巡防處

行走兼奉協辦畿輔團
防之命未使假歸

賊竄潼關險烽傳朔漠昏三河開戰壘一水阻津門禁旅
成師壯雄藩列帥尊天弧彎正急檻獸爾安奔

吾道嗟何適冰霜守舊廬壯心羞把劍兵事枉陳書性拙
逢迎懶愁多簡畢疏安從絕人世逃影入空虛